


Schnäggefasnacht 2008



SCHMEISSFLIEGE



Dr Billy seit zur Hilly Clinton: „Los mer zue!
I find ei Preesi pro Familie isch gnue.
Drum zieh Di zrug und kandidier nüm, mir wär's wohler
sunscht will wo möglich z'Oberwil denn no d'Frau Mohler.“



Saggosche 08

Dr Mohler dr Mohler dr Mohler dr Mohler
Jo dä Mohler dr Mohler dr Ruedi Mohler
Dr Mohler dr Mohler däm stähl ich jetzt d'Schau
Ich machs wie dr Mohler drum gang ich jetzt au
.....tschau zäme

Dr SCHABERNACK

Dr Hoffmann und au d'Uta Bruschwiler hänn gnue
Und au dr Ruedi Mohler will nur no sy Rueh
Fürs Nüttue, dr Gmeindroot will die scho no lehre
Will me se jetzt 10 Tag in Chäschäller sperre
Vo de Gmeindröt heig dr eint und ander, so hanis vrnoh
Sini Wäggseljoor sit Ewigkeit hinter sich glo

RÄTSCHBÄSE 2008

I bi dr Mohler Ruedeli ds ganz Oberwil bekannt
Und Oberwil das kennt e jede ghört zu Baselland
Ha als Preesi fufzäh Joor regiert das weiss me ganz genau
Jetz träti zrug und blib dehei denn dort regiert mi Frau

Refrain:
Scheissegal und Füdlewurscht dHauptsach mir sin gsund

Und wenni emol in Himmel chumm stand vorem Himmelstor
Dr Peterus seit chumm Ruedeli chumm denn tritti ei Schritt vor
Eins das sagem denn grad klar e Harfe willi keini
I will die erschi Giige spile wie frielner uf dr Gmeini



2008

<http://www.Truesum2008.ch/Schnaeggewaggis>

Unsere Mohler hört jetz also uff,
die einte freut's, die andere sinn müff.
Mir froge ihn nach de wohre Gründ,
er chönn's doch sage unter Fründ.
Dr Ruedi meint, in gheimnsvollem Ton:
Ich gang halt freiwillig, in d'Opposition!"

Dr Ysheilig 2008 - unterwegs syt 24 Joor

Vorem Konsi froggt sDälleli am Frytig
S Gutzeli hän si gseh gescht in dr Bi-Bo Zytig
Dr Mohler hört schyntz uf was meine sie do derzue
Dasch doch wurscht mir hän im Dorf jo Mooler gnue

lä, dr Mohler Ruedi hört jetz uf...
Juroi, juppi juppi, juppi, heissa, heissa - nei
yber Di, singe mit mir e...

Fäldschnäggli-Bangg-Clique



Schnitzbängg Zwaibusigunde
www.faeldschnaeggli.ch